

YMA thiltum: 1. Hunawl hman that. 2. Zofate hmasawna ngaihtuah. 3. Kristian nun dan tha ngaihsan		
Vol. 43	Issue No. 48	Ramhlun North: Ni 29 November, 2025
 BRANCH THU THAR ■ December thlaa Khawhar In hruiatu tur te- Leader: Pu Ramfangzauva Asst. Leader: Pu H. Rodingliana OB i/c: Dr. Joseph Lalhmingliana 1. Pu R. Lalrinmawia 2. Pu KC. Lalramluahpuia 3. Pu. K. Vungmanga 4. Pu Malsawmzuala Ralte 5. NI. Lallawmzuali Ralte ■ Dr. Lalbiaktluangi (Nupuii), N-Sec. chuan a pasal boral ta Pu H. Thangzela (L) birthday pualin thlan laihna tur Rs 10,000/- Branch-ah a rawn pe a, a chungah lawmthu kan sawi a ni. ■ Ni 05.12.2025 (Zirtawpni) hian Branch Executive Committee hnuhnung Whitestone Conference Hall, V-Sec. a nei tum a ni a, member ten remchang lo insiam turin kan inngen e. ■ Ramhlun North Thlanmual, Zemabawkah thlan thar duan chhunzawm zel niin thlan 34 duan tawh a ni  SECTION THU THAR ■ Taitesena Section: Ni 28.11.2025 (Zirtawpni) khan Section committee member-te Tam dilah an intuaithar a, member kal an thain an hlawk tlang hle. ■ Vanapa Section: Vengchhungah Calendar an zuar mek a, calendar lei tawh zawng zawng chungah lawmthu an sawi a, la dawr lo pawhin lei sak zel turin min ngen baw a ni. ■ Chawngbawla Section: Pi Rebec Laldinpuii te chhungkua chuan an fapa Tv. HC Lalhriatpuia hriatreng nan gas stove tha tak mai pahnih an pe a, lawmthu an sawi mawlh mawlh e. ■ Library Duty turte Ni 06.12.2025 1. Tv. Lalrintluanga 2. Tv. Vanlalhriata 3. NI. Lalmawizuali 4. NI. Lalrinsiami 5. NI. Lalmuanzovi 6. NI. Vanlalhruaii 7. NI. Lalnunfeli	JOINT ACTION COMMITTEE 2025-2026 (Vengchhungah duty post 4 siam a ni) Ramhlun North, the 29th November, 2025: Ni 22.11.2025 (Inrinni) a Joint Action Committee (JAC) Executive Committee thukhawm chuan Krismas leh Kum thar vuakveta kan veng kan lo him tlan zawk theih nan hmalak dan tur hrang hrang a rel a. Vengchhung hmun 4-ah duty post siam ni se tiin a rel a. Ni 20.12.2025 atanga ni 4.1.2026 thleng duty ni se tih a ni. Hetiang hian duty post tur ruahman a ni- Group 1: Khuangchera In Leader: Pu H. Rodingliana, Ph: 9862818415 Asst. Leader: Pu Lalhriatpuia Secretaries: Pu Henry VL. Nghilhlova Zote, Ph: 9366973967 Pu Z. Zomuanpuia OB i/c Tv. Lalthanchhunga, General Sectetary Group 2: YMA Committee Room Leader: Tv. Lalawmpuia, Ph: 9862741689 Asst. Leader: Pu Vanrotluanga Secretaries: Pu Lalhruaitluanga, Ph: 9862176082 Tv. Lalrinpuia OB i/c Pu K. Lalnithanga, Treasurer Group 3: Chawngbawla Rûn Leader: Pu Zodingliana Zote, Ph: 9862109271 Asst. Leader: Pu C. Lallianzuala Secretaries: Pu Zothanmawia, Ph: 8527465851 Pu Robert Lalfakzuala OB i/c Pu Thandingliana, Vice Chairman Group 4: Anganwadi Centre Leader: Pu K. Vungmanga, Ph: 9436192514 Asst. Leader: Pu Lalmuanpuia Secretaries: Pu Vanlalenkawla, Ph: 8575945413 Tv. Isak Lalrinawma OB i/c Pu Lalmawizuala, Chairman Heng bakah Group tin hruiatute hian an group huam chhungah duty pui tur an la ruat belh dawn baw a ni. Vengchhungah harsatna hrang hrang thleng thei a ni a, kan huam chhuanga harsatna tawh kan awm chuan kan hruiatute hi inthlahrung miah lova be pawp turin an in kau reng tih kan inhriatnawn tir leh a ni e. CENTRAL YMA THU THAR ■ Ni 21.11.2025 khan zu lama harsatna nei hmeichhia leh mipa Hulhliap Short Stay Centre, 6th Batch Neihbawiha lut tur Central YMA Hall-a innghak khawmte chu OB thenkhat te leh CEC member thenkhat ten an lo buaipui. ■ Ni 21.11.2025 khan Mini-Conference Hall, PWD Pisa-ah Zawlbuk Ram Thingsulthliaha Conference Centre sak tur chungchangah meeting neih a ni a, Central YMA OB te an tel. ■ Ni 25.11.2025 khan Synod Committee Room-ah Mizoram People’s Forum Hqrs. Governing Board meeting neih a ni a Central YMA aiawh an tel ve a ni. Ni 26.11.2025 khan Secretariat Conference Hall-ah Chapchar Kut 2026 Programme Committee meeting neih a ni a, GS leh CEC member thenkhat te an tel.	



Editorial

A KOTLANG A TEAM

Tawngkam lâr tak pakhat chu 'a kotlâng A team' tih hi a ni. He thu kan sawi hian a tha lam hawia sawi kan ni lo tlângpui. Engmah tak tak ti thei lo, lo phûr ve satliah sawi nân kan hmang deuh ber thin. Mi thil ti lai a him chin-a lo thlir a, a dik loh leh fuh loh laite, fuh laite lo zawnga lo thlirtute sawi nân kan hmang ber.

'A kotlâng A team' tih hi a tha lam kan kawhtir vak lo pawh hi a dikna chen pawh a awm. Amaherawhchu, heti zâwng hian ngaihtuahna kan sên ve a ngai - khawtlâng nun honaah hian a kotlâng A team-te hian role pawimawh tak an nei ve thei a ni tih hi hmuh hmaih lo ang u. Football en thin chuan kan hria ang a, club hrang hrangin anmahni club khelmuala khelh an hlâwkpuî thin dân kan hmu thin ang. 'Home advantage' ti-a an sawi thin chhan bul ber chu kha club tantute, a au phûrtu (fans)-te hi an hlâwkpuî thin. An fanate an lo au phûr a, chu chuan nasa takin phûrna leh thathona a pe thin a ni. Chu chu a kotlâng A team an tih pawimawhna pakhat chu a ni.

Kan khawtlâng leh pâwlte hi an en ila, khelmuala zuang lut kan hruiatute, vêng chung tâna theih tâwp chhuahtu, ruihhlo engtin nge kan tihrem theih anga, engtin nge hma kan sâwn ang ti-a hah sawi lek lova beitate hi keini a kotlâng A team-te hian kan lo auh phûr thiam a tul thin hle mai. Phûrna chhe tê tal inpe lovin tu nge vêng chung tâna thawk reng peih bik ang ti a zâwng pawha ngaihtuahna kan neih a tul thin.

Chutih rualin, au phûrtu nih maia tâwp lovin, theih tâwpa support-tu kan nih a tul baw. An thu lo zawm te, lo fuih te, lo fin chhuah te hi a kotlâng A team-te tih ve tur a ni tih hi kan theihnghilh ang tih a hlauhawm ngawt mai. Khawtlâng then fai kawnga nasa taka hmalatu Kumpulan Sub-Committee te hian mahni in lum pawh ûap hman mang lovin, zan khaw tairêkah te khawtlâng vên him hna an thawk thin. Home-ah an chhungte ngen angin mi an dah lût reng baw a. Kan theih ang tâwka an tha tichaktu nih hi kan ba ve a ni. Chutiang zel chuan, YMA sub-committee pêng hrang hrangte hi kan thawhpui theihna laiah chuan a thawhpuitu nih zel hi kan tum tur a ni.

Khawtlângin kawng hrang hrangin hma a sâwn a, vêng chung mipuite pawhin hma kan sâwn viau mai; chutih rual chuan, duh khawp lohna tur erawh tam tak a la awm thei ang. Kan duh khawp loh leh hmasawn kan ngaihna nia kan hriatah khawtlâng hruiatute hnenah hmala turin kan thlen mawlh mawlh a, an tih theihah chuan hma pawh lak nghal a ni thin. Khawtlâng hruiatute'n an tih tur an tih lai hian keini veng chung mipui, a kotlâng A team-te hian kan tih tur kan ti ve em tih hi inzawt nawn zawk ang u.



KHAWTHLIR

PURUN TLANG

Mizoram tlâng sang zingah sawi hlawh tak ni lo mahse, he tlâng bul leh a velah hian a sang filawr luah a. A bula chengte chuan sang an ti thawkhat hle niin a lang. Mizoram tlâng sang sawi chuan an sawi tel ziah thin.

Purun tlâng hi Mizoram chhim lam hmar lam dep si, Myanmar ram hnaih tak bula awm a ni a. Hnahthial khua leh a chhehvel atânga hnaita a ni. A tlâng chawi velah hian Chawngtui, Khawhri leh Tarpho khuate an awm a ni.


He tlâng chhip sang lai hmun zawlah hian Purun (Zo Purun) a tam a. A tlâng sang lai thing awm lohna phul hmun chu Purun hmun a ni. Purun a tam avângin a tlâng hming hian a lo pu ta a, Purun tlâng tih a ni ta a ni. Purun hi ei atana kan hman thin Purun ang hi a ni lo va, ram Purun, Purun ang tak hnim chi khat a ni.

Mizoram tlâng sang zingah hian san l a m a h s a w m pahnih (12) na nia hriat thin a ni. M e t e r 1758 (ft. 6158) a sang a ni. Hnahthial khaw bul vela tlâng sang bera ngaih a ni.

A chheh vela tlâng sang dang langsar deuhte chu - Hrangturzo, Lungreng tlâng (6107 ft) te an ni. South Tuipui Constituency huam chhunga tlâng sang langsar deuhte chu Purun tlâng, Lungpui tlâng (hei hi Phunhnâwma Lungpui tih kha a ni) - 5080 ft te, Pukpui tlâng (5657 ft), Cherhlun tlâng (5013 ft) te an ni.

Tlâng sang tak, chhim leh hmar zawnga tlâng dung inkham ruah mai a ni a. A chhip sang lai ber chu Purun tlâng tih a ni, ral atânga thlir chuan a chhip lam hi a phir deuh va, chu chuan a lan dan a timawi danglam hle a ni. Chhim leh hmar zawngin ram pharh tha tak a ni hlawm a. Chhuah lam leh tlak lam hmun then khatah khâm chhengchhe tak a awm hlawm.

A ram a pharh a tha a, buh leh bal hlawkna hmun a ni. A tlâng chawia chêngte hi eng lai mahin an tam ve tak tak ngai lo.



Buh leh balah an hausa em em reng a ni.

A tlâng chhip lam hi a zo hle a, thlasik lai phei chuan hmun vawt tak a tling. Tlâng sang tak a nih avângin englai pawhin thlifim a thaw heuh heuh reng a, nipui khawlum hnuaiah pawh tlâng chhip hmun hi chu a lum chhe ve ngai lo.

A leilung a that avângin thlai eng pawhin an ngeih a. Kan sawi tawh angin, buh leh bal hlawkna hmun, eng thlai pawh that duhna hmun a ni.

Kan sawi tawh angin, zotlâng sang hmun thing leh mau that duhna hmun ngâw chhah tha tak tak in a chawi vel tlâng a ni a. He tlâng chawi vel ramah hian hmanlai ata tawh tun hun thlengin ramsa leh nungchate an tamin an vang khaw nuam a la ni ta reng a ni.

Purun tlâng bawm vel ram hi thing leh mau that duhna hmun a ni a, tun hma atângin ramsa leh nungcha tamna hmun a ni. Tûn thlengin tun hma ang chu pha lo mah se sanghal leh sakhi an la tam em em a ni.

A ram a t h a t avângin thing leh maute a tha duh hle a. Lo atan han vat thin mahsela, k u m sawm a len leh chuan, ngâw hmun chhah tha tak a ni hman zel a ni. A tlâng chawi velah hian ngâw hmun tha tak tak hmuh tur a la awm a, hruihnang chi hrang hrangte that duhna hmun a ni baw a, hruihnang ah pawh he tlâng chawi vel ram hi a hausa hle a ni.

Mizoram tlâng sang dangte angin hmingthanna sawi tur teh chiam a nei lo va, a tlâng chawi vela khuate hi tun hma atânga khaw langsar leh leh khaw lar an nih thin avângin, Purun tlâng pawh hian hriat a hlawh phah hle a ni.

FREE SERVICING, FREE SERVICING

Tui filter current hmang, eng company pawh, kan hnen atanga lei leh lei lo pawh a thlawn in Ramhlun North huam chhung tan servicing kan tih sak thei e.

Spare parts chikim kan kaw l baw k e.

Ph: 8787597708/ 9362300611/8415901776

**ZIN & HAW**

■ Pu Vanengmawia, Jt. Editor, MARYMA chu thil pawimawh buaipuiin Guwahati-ah a zin.

■ Pu Lalneihhlua, Ex-Treasurer, RN YMA chhiat tawhnaa Serchhip zin chu a lo haw leh ta.

■ Dr. Vanlalhlana, Bialtu MLA chu hna pawimawha Champhai leh Khawzawl-a zin chu a lo haw leh ta.

■ Pu Lalnunmawia, C-Sec. chu a hna thawhna hmun Champhai aṭangin thil pawimawh buaipuiin a lo haw.

■ Pu Tuikhuahthanga, N-Sec. chhungkaw thila Guwahati zin chu a lo haw leh ta.

■ Pu Emanuel Lawmkima, C-Sec. chu thil pawimawh buaipuiin Guwahati-ah a zin.

■ Pu H. Vanlalhruaia, N-Sec. chu chhungkaw thilah Pangbalkawnah a zin.

■ Nl. C. Lalruatfeli d/o Er. C. Lalthumhima, S-Sec chu a hna thar zawm turin Lawngtlaiah a kal a, a nu leh a pa ten an tawiawm a ni.

■ Nl. Lalhmingmawii c/o Thanchungnungi, V-Sec. chu Khawruhlian aṭangin a lo haw leh ta.

■ Ramhlun East Kohhran, Food & Meat Deptt. te chu Krismas leh Kumthar lawmna tur ran zawngin Phuaibung lama kal chu an lo haw leh ta. Member 6 vel an thawk chhuak.

**THILDANG**

■ Tv. C. Lalruatfela s/o C. Lalamlova, S-Sec. chu a hna thawhna Allahabad aṭangin Lengpui Airport-ah a rawn insawn.

■ Industry Kawthler chei chu ngawrh taka kalpui zel a ni a, Vengchhung mipui te tlawmngaia tha leh sum kan theihna apianga pui turin min sawm a ni.

**LOCAL COUNCIL**

■ PWD Deptt. nen ṭangkawpa Sihpui Road hmabak chu zawh fel thawkhat a ni ta.

■ Vengchhungah ui chhuah ching kan la awm hi a zia lo hle mai, ui vulhtu dang te kan ti mualpho tel tlat. Mahni ran vulh ṭheuh khuahkhirh ṭha leh ang u khai.

■ Local Traffic Management Committee te hmalaknain vengchhungah lirthei dah dan pawhin awmzia a nei zel a, an thu zawm duh lo mi ṭhenkhat kan awm erawh a zia lo kan ti hle, khawtlang inrelbawl na thu zah hram hram turin kan inngen thar leh e.

LEI PIAH LAMAH

Laltlanmawii, Kum - 66 w/o F.

Laldawngliana, V-Sec. chu ni 28.11.2025 (Zirtawpni) zan dar 7:45 khan a boral a,

lumen a nih hnuin a tuk ni 29.11.2025 (Inrinni) chhun dar 12:00 khan

Ramhlun North Thlanmual, Zemabawkah vui liam a ni.

Lusun khawhar chhung te thlamuantu Pathianin vengin awmpui mawlh rawh se.

**DAMLO**

■ Pu Lalṭhazuala, ECM chu Dengue vangin in lamah enkawl mek a ni.

■ Tv. C. Vanlalnghaka s/o C. Lalnunmawia, S-Sec. Fin. Secy. chu Dengue natna avangin in lamah enkawl mek a ni.

■ Lalpekhlua s/o Freddy Lalremsanga, K-Sec. LRM Hospital aṭangin dam takin a lo chhuak leh ta.

■ Pi Lalduhsaki w/o Lalrammawia, K-Sec. pum lam chian lohna avangin City Hospital Mission Vengah admit a ni.

■ Pi Zosangliani w/o K. Rohmingthanga (L), V-Sec. chu natna hrang hrang avangin in lamah enkawl mek a ni.

■ Pu Malsawmthara, K-Sec. chu natna hrang hrang avangin Greenwood Hospital-ah enkawl mek a ni.

■ Tv. Zorempuia s/o Rothangpuia, K.sec pawh Ruh/tha na avangin Synod Hospital, Durtlangah admit a ni.

■ Pu Ch. Lalnunkima, K-Sec. chu ni 28.11.25 (Zirtawpni) khan a kal (kidney) a lungte awm chu Synod Hospital, Durtlangah chhut keh a ni a, in lama inenkawl chhunzawm turin a lo chhuak leh ta.

■ Pi Lalsiami w/o H. Lalfela, K-Sec. chu Synod Hospital, Durtlangah admit a ni.

■ Pu C. Lalmangaiha, C-Sec. chu accident avangin in lamah enkawl mek a ni.

■ Pi Thanchungnungi, V-Sec. chu a ban ruh tliak avangin in lamah enkawl mek a ni.

**KOHRAN**

■ **BCM:** 1. Vawiin ni 29.11.2025 (Inrinni) hian Lights Out, Tuirialah BCM Ramhlun North Kohhran a Kristian Naupang Pawl Member lian deuh te pualin Spiritual Retreat an zirtirtute nen neiin nilengin hun an hman.

2. Kohhran member mi 9 te chuan Mission Committee bultumin Jharkhand Field an tlawh mek. Jharkhand Field-ah hian Tualchhung Kohhran in Missionary (Puanṭhui zirtirtu) a rawih mek Pi R. Lalnunpuii a awm mek a ni.

**KEIMAHNI**

■ Kum a lo tawp dawn ta a, MARYMA sum vawngtu te an inpeih fel duh tawh avangin MARYMA man la pe lo ten pe hram ang u khai.

**LAWMAWM**

■ Dr. Lalnunpuii d/o K. Lalbiakkima, S-Sec. chuan M.S (Master Of Surgery) Obstetries & Gynaecology ṭha takin Delhi University aṭangin a zo.

■ Tv. Lalduhawma s/o Zothanmawia, K-Sec. Assam Regiment-ah a tling thar a, thla tharah training turin a kal ang.

■ Pu Hmingthanauva leh Pi Lalngaihsaki, K-Sec. te chuan ni 26.11.2025 (Nilaini) khan Civil Hospital, Aizawlah fanu an nei thar.

**PAWL DANG**

■ **JAC:** Joint Action Committee, Ramhlun North 2025-2026 Executive Committee Member te:

Khuangchera Section

1. Pu Lalngaihawma
2. Pu Lalmuanpuia
3. Tv. Isak Lalrinawma
4. Pu Robert Lalfakzuala
5. Nl. Lalduhsangi Pachuau

Neuva Section

1. Pu Lalfakzuala
2. Pu C. Lalremruata
3. Pu Lalduhzuala
4. Pu R. Sanghluna
5. Tv. Lalrinpuia

Taitesena Section

1. Pu H. Rodingliana
2. Pu Zonunmawia
3. Pu Lalhmingthanga
4. Pu Lalremruata Fanai
5. Nl. Lalrohlui Pachuau

Saizahawla Section

1. Pu Isaac Zothianghlina
2. Pu K. Vungmanga
3. Pu C. Lallianzuala
4. Pu Ronald Zothansanga
5. Nl. Lalrokimi

Chawngbawla Section

1. Tv. Lalawmpuia
2. Dr. C. Lalremruatfela
3. Pu Vanrotluanga
4. Pu K Malsawma
5. Pu Henry Zosangliana

Vanapa Section

1. Pu Lalrampana
2. Pu Lalthanṭhuama
3. Pu Lalhriatpuia
4. Pu David Lalrinzuala
5. Pu G. Collin Lalrinkima
6. Nl. Lalmuanpuii

MARYMA

PHEK 4-NA

RN YMA CHANCHINBU

ARTICLE

Ram leh Hnam humhalh

- Lal Chungnunga (L)

1966 khan Mizoram a buai a, Aizawl khawpui leh thingtlang khua tam tak hal a ni a, kangmei tuar zing a pakhat, Pu Hrangchhuana (Hrangchhuan Pharmacy) chu Silchar-ah a pem thlain 1967 khan Silchar khawpuiah damdawi dawr a siam leh a. Mahse Silchar-a Mizo pa-in dawr a siam ve ngawt chu vai hovin ngai thei lovin, miin an dawr loh nan a dawr sirah vai tlangval, hlawh nei miah si lovin an duty nileng thak peih a ni. Pu Hrangchhuana dawr vai tlangvalin an venlai hi ka pa-in min kawh hmuh a, mit ngeiin ka hmu nghe nghe. Hetiang hi anih avangin Pu Hrangchhuana hian damdawi dawr a hawng rei thei ta lo.

Hemi hnu lawk hian kan veng pa, Pu P. Sanghluna (a thlarau chawl hahdam se, ropuina ramah min kalsan ta) chuan Silchar-ah vek hian Mizo hotel a siam a, Mizo chawhmeh chi hrang hrangte samin a hotel chu a lun hle a ni. Amaherawhchu, Silchar-a mizo hotel lun tak a awm chu vaihoin an ngai theih tlat loh avangin a hotel chu loh theih loh avanga khar a ni leh ta a ni.

Mizote angin Silchar vai ho khuan hnama chian thu hi an sawi an sawi ve ngai lo, an pian tirh atangin hnamah an chiang em em a ni tih erawh an khawsak ziaah a chiang khawp mai.

Kan ramah kan dawr kawtah, theihai, apple, grape etc. an zawrh kan phal a, thirchhia zawng a, cooker chhe siam tur zawnga an vah an vah kan remti a, chhangthawp lam kawtin kan kawthler dung leh vang an fan kan phal a, tuman hnawk kan ti lo. Silchar dawr kawtah kan thlai tharte zawrh tumin, cooker siam tur leh thirchhiate zawngin, an kawthlerah chhangthawp kawtin sumtuakna zuk zawng dawn ta ila sum an duh hle chungin an remti hauh lovang. Dawn tawi zawk leh dawn thui zawk kan awm chiang a ni.

Niranjan Chakma, Agartala a mi chuan kum 2000, February thla khan THU DIK ENGAH RIANG RALTLANTE HARSATNA tih a bu hminga hmangin Mizo mipuite dawt tinrenga a beihna lehkhabu Bengali tawnga a ziah chuan Kolkata International Book Fair-ah a released a, hemi tuma lehkhabu hralh tha ber record a siam nghe nghe a ni. YMA, MZP, MAP, MRP leh NGO hrang hrangte chuan Rianghote chu ngai thei lova an chung a suahsualna tinreng lantirtuah leh anmahni hnawtchhuaktuah a puh vek a ni. Chakma pa-in heti taka Tuikuk thlavang hauhva dawt a sawi chiam hi a mak hran lova, Chakma-ten Mizote min hmuh dan a tichiang pah hle a ni.

He lehkhabu hi 2000 kum a chhuak daih tawh mah nise Bengali tawnga ziaa anih vang nge mipuiin kan bengkhawn lo hle a ni. He lehkhabu hi Bengali tawng thiam Pu Laldova, Chanmari Aizawl-in Mizo tawngin a letlinga, a copy ka zawng chhuak a, ka chhiar a, rilru a na takzet a ni. Anmahni duh thu ngeia Mizoram chhuahsante leh an thlahte kan rama an lo let leh kan remti satliah mai lovin lut leh turin kan ngen hial zawk a ni si a. Tuikuk ho zawng zawng hi an sual hauh lo, dinhmun tha duh avanga chhuanlam zawng reng an hruaitu tlemte erawh hi chu an sual thlawt a ni.

Suahsual rawng an bawl anih ngawt loh chuan khawchhak mikhual chamreite pawh kan rama an awm, kan khawtlang leh kohhran thlenga an inhman kan phal a, chhiatni thatni-ah kan enhrang ngai lo. Mahse hengho hian ram hausate khawngaih leh chhawmdawl an beisei avanga Mizote min hekna zozaita hi a va rapthlak em !

A chung a kan sawi lan tak thil 3 lek atang ngawt pawh hian “Ram leh Hnam Humhalh” tih thupuia neitu YMA Member-te hian ram leh hnam humhalh turin ngaihtuahna tak tak kan hman a hun ta takzet a ni. Kohhran atangin chak taka hmalak remchan lohna a awm ang, anmahni vote tura an beisei avanga roll-a ramdang leh hnamdang mi thun hreh lo politician ten a humhalh kawngah harsatna an nei ngei ang. Chuvangin YMA member-te chiah hi ram leh hnam hian hmanrua a neih a ni ta. Hmachhawn zel tawh ila, kuang lo nawr kan ni lovang-vawk sual chauhvinn ani kuang lo nawr thin ni.

Amah chhan turin kan ram leh hnam hian YMA Member-te RING takin min au ta a ni e.

GRACE HOME

HYBRID INTERNET FTTH

Mb:7005670377

Speed	Data	Per Months
50Mbps	Unlimited	Rs 500/-
70Mbps	Unlimited	Rs 600/-
100Mbps	Unlimited	Rs 750/-
150Mbps	Unlimited	Rs 850/-
200Mbps	Unlimited	Rs 1000/-
300Mbps	Unlimited	Rs 1500/-

Price Inclusive of GST

Grace Home Christmas Discount

1. One Month (1) Free

2. Connection (Router 5G)

Rs 2500/-

Ph: 8974005217

7005670377

Grace Home

Hybrid Internet

Ramhlun North, Aizawl

KC TUI

Tui thianghlim tak PHE a quality test thlap, PickUp-in 2,000 litre kan pe thei reng e. Ramhlun North veng chung tan discount kan pe e.

Ph: 7005010327 / 9774223462 (10-7)

SP TUI

Tui hna thianghlim, ei leh in tlak, litre 2000 pickup trip kan pe thei e.

Mobile: 9615789047 (5-5)

JM SEPTIC TANK SEVICE

Septic tank khat paih fai, comode block, pipe fit, soak pit tha lo leh a thar pawh kan siam thei reng e. Kan sulhnu a fel fai a, service hlun leh rintlak kan ni e.

Rate: inbiak remna. (10-6)

Registration: MRS 542

Contact: 9862476439 / 9436199884

SAWMA SEPTIC TANK SERVICE

Septic Tank khat paih fai, commode block, pipe fit, soak pit thar siam engkim kan ti thei e.

Rate: Inbiakremna Ph: 8119969364 (10-6)

KHIANGTE SEPTIC TANK SERVICE

Septic Tank khat paihfaai, Comode Block, Soak pit, Pipe Fitting, Repair engkim, khur chhung lutin, a neitu te lungawi na thlap in kan thawk thei e thawk thei e (20-6)

Contact - 9862344971 Bawngkawn South

L.H SEPTIC TANK SERVICE

Septic tank paihfaai leh repairing engkim kan thawk thei e. Kum 17 chuang experience nei kan ni e.

Rate:4500 per trip (30-25)

Ph.6909183193

TLUANGTEA SEPTIC TANK SERVICE

Septic tank khat paih leh repair kan ti thei reng a, rate chu inbiakremna a ni ang.

Contact: 6033373188/9612376373 (5-3)

C/o Marina: 9436140350

FANAISEPTIC TANK SERVICE

Septic tank paihfaai leh repairing engkim kan thawk thei a, experience tha tak kan nei e. Rate hi INBIAKREMNA (5-2)

Mb. 9863524969/ 9366506115

8794634839

PH. NO 8794634839

MONTHLY FEES: RS 2000

TINGTANG PERH LO

ZIR VE RAWH LE

Music zir tur hian kum bithliah a awmlo va, thiam duh na i nei hrim hrim emaw, in faten thiam se in duh chuan tanpui tur che in kan awm reng e.

Published & edited by Eddie Lalfakzuala for and on behalf of Ramhlun North Branch YMA. Copies- 1,270